



‘Alamā 23–29

29 SUNE–5 SIULAI

Hili ‘enau uluí, na’e fie ma’u ‘e he kau Leimana faivelengā ha hingoa fo’ou ke fakafaikhehekehe’i ‘aki kinautolu mei he kau Leimana kehé ke fakataipe ‘aki ‘enau ului kia Sīsū Kalaisí. Na’a nau ui kinautolu ko e kau ‘Anitai-Nifai-Lihái (vakai, ‘Alamā 23:16–17). ‘Oku tau fakafaifekehekehe’i kinautolu he ‘ahó ni ‘aki hono to’o kiate kinautolu e huafa ‘o Sīsū Kalaisí.

Ko e hā e Mahu’inga ‘o ha Hingoa?



Ko Ha Faka’ilo-nga ‘o ‘Etau Uluí

‘Oku tau fuakava ‘i he papitaisó ke to’o kiate kinautolu e huafa ‘o Kalaisí. Ko e taimi kotoa pē ‘oku tau ma’u ai e sākalamēnití, ‘oku tau fakafa’ou e fuakava ko iá. Ko e hā ‘oku tau fuakava ke manatu’i mo fakahoko ‘i he’etau to’o kiate kinautolu Hono huafá? (Vakai, Mōsaia 18:8–9; Tokāteline mo e Ngaahi Fuakava 20:77.)



Ko ha Faka-mo’oni ‘o Kalaisi

Ko e kau ‘Apostoló ko ha “kau fakamo’oni makehe ki he huafa ‘o Kalaisí ‘i he māmaní kotoa” (T&F 107:23). Te tau lava foki ‘o hoko ko ha kau fakamo’oni ‘o Kalaisi. ‘E founa fēfē ho’o tu’u fakataha mo e palōfitá mo e kau ‘apostoló pea hoko ko ha fakamo’oni ki he huafa ‘o Kalaisí ki he kakai ‘oku mou feohí?



Ko ha Ma’u’anga Mālohi

Kuo kole mai ‘e Palesiteni Lāsolo M. Nalesoni kimuí ni ke tau ui e Siasí ‘aki hono hingoa totonú: Siasí ‘o Sīsū Kalaisi ‘o e Kau Mā’oni’oni ‘i he Ngaahi ‘Aho Kimui Ní. Na’á ne palōmesi ‘e lilingi hifo ha mālohi ki he Kāingalotú ‘i he’etau fai iá (vakai, “Ko e Hingoa Totonu ‘o e Siasí,” *Liahona*, Nōvema 2018, 89). Ko e hā ha ngaahi me’a ‘e ni’ihi te ke lava ‘o fai ke ngāue ‘aki lelei ange ai e hingoa totonu ‘o e Siasí mo tokoni’i e ni’ihi kehé ke nau fai e me’a tataua?

FEALĒLEA’AKÍ

‘Oku founa fēfē hono fakai’i koe ‘i hono to’o kiate koe e huafa ‘o Kalaisí ‘i ho’o ngaahi fakakaukaú mo e ngāue fakahó, ke ke hoko ai ko Hā’ane ākongā lelei ange?